

ՆԱԶԱՐ.– (Երգում է) Աման, աման այ ջաաաան: (Իջնում է կտուրից Ուստիանի հետ):

ՍԵՆԵԿԱՊԵՏ.– (Ներս է գալիս եւ կանգնում ժպտադէմ):

ՆԱԶԱՐ.– (Նրան) Յը՞, ներս ու դո՛ւրս արա, ներս ու դո՛ւրս արա մկան պէս: Ի՞նչ կա էլի: Յը՞: Դո՛ւրս, հառամզադա:

ՍԵՆԵԿԱՊԵՏ.– (Անշարժ կանգնած է):

ՆԱԶԱՐ.– Չե՞ս իմանում, քեաֆթա՛ն:

ՍԵՆԵԿԱՊԵՏ.– Կենաց աղբիւր: Նախկին պատերազմի երեք պարտուած թագաւորի թագուհիները եկել են եւ լուսապայծառ տեսութեանդ են հայցում:

ՆԱԶԱՐ.– Երեք թագուհի՞... Ի՞նչ են ուզում:

ՍԵՆԵԿԱՊԵՏ.– Նազիրը գիտէ, թագաւոր կենաց:

ՆԱԶԱՐ.– Կանչի գա Նազիրին: (Մենեկապետը գնում է):

ՌԻՍԻԱՆ.– Բան չունե՞ս: Ինչիդ են պետք՝ թագուհիները: Ճամփի՛, գնա՛ն:

ՆԱԶԱՐ.– (Բազմում է թախտի վրայ) Օխա՛յ... Էո՛ֆ... Իը, Ուստիան, աշխարհքի թագաւոր ենք դառնում: Ո՞նց է քո բանը:

ՆԱԶԻՐ.– (Ներս մտնելով եւ մօտենալով Նազարին մի քիչ կամաց) Թագաւոր սուրբ: Մեր թշնամի թագաւորների թագուհիները տեսնելով, որ իրենց ամուսինները սպանուեցին պատերազմում, լսելով ձեր խելքի եւ քաջութեան համբաւը, սիրահարուել են ձեզ եւ եկել են ընկնելու ձեր ոտքերը եւ սեր հայցելու:

ՆԱԶԱՐ.– Սիրո՞ւն կտորներ են:

ՆԱԶԻՐ.– Լուսնեակի տասնըհինգը:

ՆԱԶԱՐ.– Կերթաս իմ կողմից խանութներին կասես, որ իրենց վրայ սեր եմ կապել, թող ներս հրամմեն: (Նազիրը գնում է):

ՌԻՍԻԱՆ.– Բան եմ ասում, Չի՞ լինի, որ չկանչես:

ՆԱԶԱՐ.– Տէ, ո՞նց կարող եմ: Թագաւորի արք է, ազնի՛ւ թագուհի են:

ՌԻՍԻԱՆ.– Ազնիւ թագուհիս որն է, ջանըմ, թագուհին թագուհի չի՞:

ՆԱԶԱՐ.– (Հանգիստ) Չէ՛, կայ խամ թագուհի, կա ազնիւ թագուհի: Ազնիւ թագուհին աշխարհքի թագուհին է:

ՌԻՍԻԱՆ.– Էի բան չունե՞ս, Բան եմ ասում: Ճամփի, գնա՛ն:

ՆԱԶԱՐ.– Չէ թագաւորի պարտք է: Ջանս էլ որ դուրս գա պիտի կատարեմ:

ՌԻՍԻԱՆ.– Լա՛ւ պարտք է: Էդ ի՞նչ պարտք է՝ մի իմանանք:

ՆԱԶԱՐ.– Բնութեանս հակառակ է, որ չհասկացած գործերիդ խառնում ես:

ՌԻՍԻԱՆ.– Ինչի՞ չեմ հասկանում: Լաւ էլ հասկանում եմ: